

MPSHAFATŠO YA TSELA

E tšweleditšwe ke SANRAL

KGATIŠO YA 4 | MATŠHE 2018

YA MOLOTO



transport

Department:
Transport
REPUBLIC OF SOUTH AFRICA

SANRAL
SAFETY • PRODUCTIVITY • EFFICIENCY

BUILDING SOUTH AFRICA
THROUGH BETTER ROADS



**LEINA LA PROTŠEKE
Protšeke ya Tsela ya Moloto**

BALAODI BA PROTŠEKE

MADODA MTHEMBU

NONTOBeko MATHENJWA

LAWRENCE CHAUKE

RIAAN OERLEMANS

SELETE

Selete sa Leboa

BORAKONTRAKA GO YA KA

LETŠATŠIKGWEDI LE:

BADIRIŠANIMMOGO BAO BA
HLAKANETŠENG MOŠOMO WO (LIMPOPO):

Modirišanimmogomogolo: KPMM

Badirišanimmogomo bao ba lebantšwego:

Chauke Business Enterprises (CBE)

BADIRIŠANIMMOGO BAO BA
HLAKANETŠENG MOŠOMO WO
(MPUMALANGA):

Modirišanimmogomogolo: Raubex


Badirišanimmogomo bao ba lebantšwego:

Khuluphalala Trading, Themolo and BizAfrika
(aka Moloto JV partners)

Tshwarelelo ya ditshepišo tšeо di dirilwego:

Kago Tseleng ya R573 ya Moloto e tšwela pele gabotse. SANRAL, le dikhamphani tšeо di filwego dikontraka, di šoma diiri tše ditelele go kgonthiša gore mošomo wo o dirwago o tla phethagatšwa ka nako ye e filwego ya mengwaga e mehlano go ya go e šupa. Tsela ye ke e nngwe ya ditsela tšeо di šomišwago kudu ka mo nageng gomme e ralala diprofenseng tše tharo: Gauteng, Mpumalanga le Limpopo. Maikemisetšo ke go e dira gore e bolokege gomme e be e kaone go ba ye e bolokegilego go basepela ka maoto le baotledi. Protšeke ye e hlola menyetla e mentši go diSMME le go tša mešomo. SANRAL e tla tšwela pele ka go fa badudi bao ba dulago go bapa le tsela tshedimošo ka ga tšwelopele.

Seo o swanetšego go se letela ka 2018



**NA O BE O
TSEBA?**

*Boingwadišo bja diSMME
bo gare bo tšwela pele
datapeising ya SANRAL.
DiSMME tše di nago le
kgahlego di ka ingwadiša
memasepaleng ya tšona ya
selegae.*

— “ —

*Go na le dimphafatšo tše dintši tše di akantšwego
go dirwa tseleng ya R573 ka 2018. Go na le mešomo
ya kago ye mengwe ye meraro yeo e tlago go dirwa
ka Limpopo gomme ye mengwe ye mehlano ka
Mpumalanga yeo e tlago go dirwa. Godimo ga moo, go
tla ba le diprotške tše tharo tša tšwetšopele tše setšaba
ka Limpopo le tše dingwe tše hlano ka Mpumalanga, go
lebeletšwe CIDB grata ya 1 ya diSMME tše di nyakago
menyetla ya go ithuta le go ikhweletša mangwalo
a SAQA (South African Qualifications Authority) ao e
lemogwago semmušo a maemo a 3 le
4. Diprotške ka moka di tla diragatšwa
gomme tše phatlalatšwa mengwageng e
meraro go ya go e mene.”*

**LAWRENCE CHAUKE,
MOLAODI WA PROTŠEKE**



Dihlotlo ka ga

Moloto



Mothaladi: David Thubane

Le ge e le gore go nale tšwelopele yeo e kgahlišago ka go kaonafatšo ya Tsela ya R573 ya Moloto, go na le mabaka a se makaenyanā ao a tšwelago pele go tliša tlhohlo. Le ge e le gore a mangwe a lokišitšwe pele ga ge go thomišwa ka kago ye, a mangwe a ona a mantši a a tšwelela gabjale gomme a šitiša tšwelopele ya protšeke.

Bagwebi bao e se go ba semolao le mekhukhu ya motlalanaga

Go dira kgwebo ka gare ga lefelo leo le beetšwego ka thoko la tsela ya bosetšhaba ya (R573), le palo ye e golelagō godimo ya mekhukhu makgahlanolong a ditsela, kudukudu kgauswi le Phola Mall, e tloga e le tlhohlo e kgolo. Taba ye e išitšwe go Masepala wa Thembisile Hani gore o kgone go e tsena ka bogare.

Dikhudugo

Go bile le ditherišano ka ga dikhudugo le bao ba angwago ke diprotšeke tša bjale (mešomo ya go tla pele, Protšeke ya B ka dikontrakeng tša Limpopo) gomme se se akaretša baetapele ba setšo, memasepala, bakhanselara le bagwebi bao ba gwebago ka gare ga lefelo leo le beetšwego ka thoko la tsela. Makoko ka moka a dumelanelane gore bagwebi ba hudušetšwe lefelong le lengwe la nakwana. Ditherišano tše dingwe di tla swarwa le bagwebi ba bangwe ba go se be molaong ka pelanyana morago ga gore lefelo la mafelelo leo le beetšwego ka thoko la tsela le leswa le tišeletšwe dikarolong ka moka tša tsela.

Khwetšo ya naga

Karolong ya Mpumalanga ya R573, go rekilwe dithoto tše nne, gomme go sa emetšwe gore dikwano tše tshela di saenelwe le beng ba naga. Ka Limpopo, go sa letetšwe gore dikwano tše 37 di saenelwe le balemi. Mo go bago le khwetšo ya naga, molekanyi wa theko ya naga yo a nago le mangwalo a maleba o tsena ditherišanong le mongnaga, a saenela kwano gomme a lefela phumolameekgo ya maleba ya naga yeo goba meago ye e angwago.

Sanral e kgopela gore go be le tšomisanō ye e tletšego go tšwa go badudi le batšeakarolo, kudukudu bao ba tsenelelagō ka go lefelo leo le beetšwego ka thoko la tsela gomme ba hlomologa dithibelo tša meago goba ba ikemišetša go dira bjalo. Godimo ga fao, go nyakega tšomisanommogo ye e tletšego ge go saenelwa dikwano le bengnaga ka moka bao ba angwago. Badudi ba selegae ba kgopelwa go hlompha dipakane tše di beilwego ke balekanyetši tše di bontšhago lefelo la tsela la bosetšhaba leo le beetšwego ka thoko. Boramotse/dikgoši ga se ba swanele go fa badudi ditene ka gare ga lefelo leo le beetšwego ka thoko la tsela.

*David Thubane
ke Mohlankedī wa tša Khwetšo ya Naga*



Karolo ye kgolo ya badudi diprotšekeng tša kago ya ditsela

SANRAL e etetše diSMME tša selegae go la KwaMhlanga, kgauswi le R573 Moloto Road, go ahlaahlha phetogo ya intasteri ya kago le tlholo ya mešomo ka ga diprotšeke tša kago ya ditsela le badudi.

Mokgahlo wa tša ditsela o tšwile lesolo la motlalanga go hlalosa leano la wona la lebaka le letelele la Horizon 2030 – le pholisiakanywa ya photogo ka Nofemere 2017.

E sa le go tloga ka yona nako yeo mokgahlo wo o kgonne go swara ditulo tše 40 diprofenseng ka moka tše senyane gomme wa hlalosetša badudi ka ga menyetla ye e lego gona ya go ipopa ngatana e tee le dikgwebo tše nnyane le tša magareng.

Maloko a go feta a 150 a setšhaba, borakgwebopotlana, borakgwebo le baetapele ba setšhaba ba tsenetše moletlo wo gomme ba bile le monyetla wa go tšweletša dingongorego tša bona mabapi le diprotšeke ka seleteng.

"SANRAL e šomišitše monyetla wo go boledišana le borakontrakapotlana le badudi gore ba ka tšea bjang karolo ka diprotšekeng tša kago ya ditsela – e seng fela go protšeke ya Moloto eupša le go mešongwana ye mengwe ye e sa tlago ya SANRAL". Se se boletšwe ke Ismail Essa, Molaodi wa tša Diphetogo ka SANRAL.

Ye ke yona karolo ya ponu ya mokgahlo ya go maatlafatša dikgwebopotlana le go di fa monyetla wa go gola le go ba le seabe kgodisong ya lenaneokgoparara le kgolo ya ikonomi.





Mešomo le phetišetšo ya mabokgoni

Thwalo ke ye nngwe ya dithlholo tše dikgolo tše Afrika Borwa e lebanago le tsona ngwaga ka ngwaga, gomme SANRAL e kgatha karolo e bohlokwa ka go hlaola menyeta go badudi bao ba angwago ke diprotšeke tša yona. Morekišetši o nyaka go netefatša gore bašomi - banna, basadi le baswa, ba hwetša mabokgoni ao a fapaneng nakong ya ge ba thwetšwe diprotšekeng gore dikholofelo tša bona tša išago di kaonafatšwe. Moloto ke ye nngwe ya diprotšeke tše bjalo. Bulela Bonani, Abram Ntuli, le Nomsa Masombuka ba na le mahlatse a go thwalwa ka Protšekeng ya Tsela ya R573 ya Moloto:

— “
Ke thomile go šoma ka mo go kago ya ditsela ka 2013. Go šoma ka mo protšekeng ya Moloto go nkqontšitše go ba le mabokgoni ao a phagamego ka ge motho a feleletša a dira mešomo e mentši.”

BULELA BONANI
– MOGAŠI (SPRAYER)

— “
Ke thomile go šoma mo ka Janaware 2018. Bjalo ka modudi wa mo, protšeke ye ya tlhabollo ya tsela e thusa setšaba sa rena ka mešomo gomme e tla fokotša le dikotsi tša mebileng.”

ABRAM NTULI
– MOŠOMIGOHLE

— “
Go šoma mo protšekeng ye go kaonafaditše seemo sa ka sa ditšhelete ka gore ebile lekgetlo la mathomo mo ke kgonneng go rekela ngwana waka yunifomo ya sekolo gomme ka kgona le go thusa ka dilo tša ka lapeng. Ke ithuta dilo tše diswa letšatši le letšatši gomme ke hwetša mošomo o e le o mphago tlhohlo.”

NOMSA MASOMBUKA
– MOŠOMIGOHLE

THE SOUTH AFRICAN NATIONAL ROADS AGENCY SOC LTD

NORTHERN REGION 38 Ida Street, Menlo Park, Pretoria, 0081,

Private Bag x17, Lynnwood Ridge, 0040, www.nra.co.za

SANRAL FRAUD HOTLINE 0800204558

